

Barkat

Iñjeel : Mattā 14:14-33

Jab Īsā^(a.s) wahaan pahuñche to dekhā ki ek bahut bañgī bheed wahaan pahale se hī maujud hai. Unhone āe hue logoñ par apnī nazre karam karī aur unmeñ se jo beemaar the unkā ilaaj kiyā.⁽¹⁴⁾ Jaise hī shaam qareeb āī, unke shaagird unke paas āe aur bole, “Ye jagah shahar se bahut dur hai aur raat bhī hone waalī hai. Inko waapas bhej deñ taaki ye log apne liye khaane kā iñtazaam kar sakeñ.”⁽¹⁵⁾

Īsā^(a.s) ne kahā, “Unheñ kaheeñ jaane kī zarurat naheeñ hai. Tum log unke khaane kā iñtazaam karo.”⁽¹⁶⁾ Unhone jawaab diyā ke khaane me unke paas paañch roñiyañ aur do bhunī machliyañ hī haiñ.”⁽¹⁷⁾

Īsā^(a.s) bole ki sab logoñ ko mere paas le kar āo.⁽¹⁸⁾ Unhone logoñ ko ghaas par baith jaane kā ishaarā kiyā aur haath me un paañch roñyoñ aur do bhunī machliyoñ ko uthā kar āsmaan kī taraf dekhā aur Allaah kā shukr adā kiyā. Unhone roñyoñ ko tod kar shaagirdoñ ko denā shuru kiyā aur shaagirdoñ ne wahaan maujud logoñ me usko baañtā.⁽¹⁹⁾

Wahaan maujud har ek iñsaan ne pet bhar kar tasallī se khaayā. Sab logoñ ke khaane ke baad bhī baarah roñ kī tokriyaan bach gaeen theen jinko shaagirdoñ ne uthaayā.⁽²⁰⁾ Khaanā khaane waale mardoñ kī taadaad paañch hazaar thī jismeñ aurateñ aur bacchoñ kī gintī shaamil naheeñ hai.⁽²¹⁾

Īsā^(a.s) ne apne shaagirdoñ se kahā ki wo sab kashtī par sawaar ho kar nadī ke us paar jaaeñ tab tak wo logoñ ko widā kar rahe haiñ.⁽²²⁾ Sab ke chale jaane ke baad wo pahaqoñ kī taraf ibaadat karne gae aur wahaan us raat akele hī ruke.⁽²³⁾ Kashtī jheel ke kinaare se bahut dur jā chukī thī aur tez hawā se uthī paanī kī laharen us se ṭakrā rahī theen.⁽²⁴⁾

Subah hone se thoñdā pahale, Īsā^(a.s) unke paas, jheel ke paanī par chalte hue pahuñche.⁽²⁵⁾ Jab unke shaagirdoñ ne unheñ jheel ke paanī par chaltā dekhā to wo sab ñar gae. Wo sabhī ek saath bole, “Ye paanī kā jin hai,” aur phir ñar ke maare cheekhne lage.⁽²⁶⁾ Īsā^(a.s) ne unse fauran kahā, “Himmat se kaam lo! Ye maiñ huñ. Ñaro naheeñ.”⁽²⁷⁾

“Are maalik, ye āp haiñ,” janaab Patras bole, “To mujhe paanī me apne paas bulaaeee.”⁽²⁸⁾

Īsā^(a.s) ne kahā, “Ā jaaoo.” Tab janaab Patras kashtī se neeché utre aur paanī par chal kar Īsā^(a.s) kī taraf jaane lage.⁽²⁹⁾ Lekin jab unhone hawā se uthī huī paanī kī laharoñ ko dekhā to wo ñar gae, aur ñubne lage. Unhone pukaar kar kahā, “Maulā, merī madad karie!”⁽³⁰⁾

Īsā^(a.s) ne fauran apnā haath bañghā kar unheñ pakañ liyā aur bole, “Tumhaarā īmaan kacchā hai. Tum shak me kyuñ pañ gae?”⁽³¹⁾

Jab wo kashtī me ā gae, to hawā bhī k̄haamosh ho gaī.⁽³²⁾ Kashtī me maujud logoñ ne taazeem me apnā sar jhukaayā, aur bole, “Sach me āp hī Maseehā haiñ.”⁽³³⁾